

續修四庫全書

《續修四庫全書》編纂委員會編

續修四庫全書

上海古籍出版社

一五三七・集部・別集類

半行庵詩存彙八卷	〔清〕只青喬撰	一
秦川焚餘草六卷補遺一卷	〔清〕董平章撰	九九
附刻一卷		
東塾集六卷	〔清〕陳澧撰	二三一
邵亭遺詩八卷	〔清〕莫友芝撰	三三九
邵亭遺文八卷	〔清〕莫友芝撰	四一五
曾文正公詩集四卷	曾文正公文集四卷	
	〔清〕曾國藩撰	四七九

半行庵詩存

卷一

凌雲書

同治五年
丙寅刊版
春津浦上

余去歲罷官東旋其冬僑寓吳門始與都人士相見有言
貝子子木遺集者將鳩賞付刻索其詩讀之覺其有異乃
終其卷且反覆之不忍舍美哉詩乎其數十年寢食於此
者乎其沈雄堅卓胎息於少陵無一字一句不錘鍊而成
者乎其得江山之助與其胸中奇氣相摩盪以出之者乎
余於是知有子木且知是爲子木之詩因復詢其生平蓋
具有幹濟才壯年嘗佐揚威爽將軍戎幕不避艱險冀有
所樹立既而無成功乃往游京師歸復之浙又嘗之黔之
滇之蜀足跡半天下而卒窮愁落寞患難顛倒以底於死
初庚申之變子木自浙迎母以去越歲杭城再陷母子相
半行庵詩存彙序

失子木出沒死生尋母不獲負罪引慝無地自容不得已
就直隸制軍劉公之聘未及相見道卒旅邸嗚呼文人之
窮一至此哉顧子木之卒也劉公卽馳使殯殮如禮且致
書其家又厚賚之俾迎其喪以歸終葬於先人之墓是子
木不得志於生前猶幸遇賢主人於身後是誠劉公之高
義又孰非子木之奇才名動公卿有以致此哉昔乾隆中
吾鄉詩人黃仲則終身坎壈殆與子木等至於今兩當軒
集風行海內子木之詩時有與仲則相似他日半行菴集
當與並傳不朽乎子木佐戎時嘗有咄咄吟二卷具載當
時軍中利病今不及刻刻其編次成帙者工既竣請序於

余與子木素昧平生不宜有言言之未必盡然讀其詩愛其才悲其遇惻惻焉若有不能以已者爰就所見於其詩及後所聞約畧詮次如右尙望都人士習於子木者詳言之以補余之不逮也同治五年丙寅冬仲陽湖惲世臨次山氏

半行庵詩存案 惲序

二

毒熱鹽汗百務頽廢手扇無停麾在謝城孝廉觸暑枉過出一編示予則吳門貝明經遺詩其友葉翁調生與同志將爲付刊者也追暑無術倚北窗讀之苦心孤詣蓋篤於詩亦達於世故者貝子中年從戎浙水繼復幕遊滇黔梯空縋幽星飯水宿不廢鉛槧境苦而詩益工實能鑒天險雕鐫世態倚船唇而構想磨盾鼻以嘔心語奇而卓筆紆能達言之有物義歸勸懲不戾於風人之旨不乖乎古作者之心勤矣哉葉翁與諸子復爲之訂訛補佚存詩如千首貝子於是可傳矣乃予重有感焉吳下詩人予尠交往惟得江子弢叔其詩亦精心結撰不肯著一尋常吟弄半行庵詩存案 黃序

語其慘遭家難復與貝子略相似貝子以諸生應北直劉制軍聘在途病卒身後得制軍厚卹而未展其才江子以諸生屈於一尉雖邀徐樹人中丞賞識僅餉其口今亦病歿杭州才人坎壈有同慨矣顧江子所簪伏敵堂集續刻已成傳世可必貝子之詩則屢經散失幸而僅存非得良友爲之珍護愛惜壽諸梨棗不幾與煢爨同灰寂滅而無聞耶予雖不識貝子而深有感於文章憎命又重念夫友朋之不可少也如是故不敢方葉翁之命忍暑停扇書數語於首并質之謝城儻謂予遂足以序貝子而傳其詩則吾其敢同治丙寅新秋七十二叟當塗黃富民

目序

余初不解吟事年二十八遇朱丈穀聞其緒論始粗識師承然畏難未學也閱十年遇益困憤懣欲有言葉丈廷珩從而激獎之遂委志於詩然飢驅四方雖好吟究未學也峽江之役舊者全亡竭思省錄十僅存五所幸半生游跡尙可髣髴得之恐再遺忘姑編如左若云學詩終須異日吳縣貝青喬子木

半行庵詩存彙

自序

一

半行庵詩存彙目錄

卷一

古今體詩九十九首

卷二

古今體詩九十六首

卷三

古今體詩一百二十三首

卷四

古今體詩九十八首

卷五

半行庵詩存彙

目錄

十

古今體詩一百三十三首

卷六

古今體詩一百十三首

卷七

古今體詩八十六首

卷八

古今體詩八十首

半行庵詩存彙卷一

吳縣貝青喬子木

芳樹

芳樹臨前除華蕤何窈窕倡條拂綺筵繁英被豐艸春風吹汝榮春風吹汝老

真娘墓歌

一片情天石難補海湧峰頭掩香土哀燈下照嬌靈棲啼斑留蝕翠珉古鬼花開不紅結璘慘流碧綺夢何沈沈長夜永無白歡儂不解含古酸離姬蹋醉來姍姍

春閨怨

半行庵詩存彙

卷十

一

膠鬚慵盤鏡裏鴉香幃愁掩日西斜歸期祇有春光準樓外輕寒又落花

山塘卽席贈李如金

別緒十年長追歡復此鄉金隨歸路盡鬢比故山蒼冶跡留詩卷芳時逝酒漿今宵烟水際記取月茫茫

一角

舊時檀板舊時絃一角紅牆遠似天贈別尙留青玉案寄詩空賦綠珠篇生憎燕子巢香幃可奈楊花墮翠烟此意如環復如玦曉風扶夢畫樓邊

遙夜曲

素娥碾碎玻璃魂啼紅怨綠雙淚痕絃幽咽不成寐玉笈懸影封秋門夢裏騎鯨撇波去孤煙一縷長洲路黃衫何處覓桐郎十二玉樓迷故步破鬟倭墜銀屏寒雄雞翦夢明星闌起對駸駸翠蓮影鴛鴦穩臥金句欄

金山

淩虛倒瞰渺無垠杖底魚龍氣不羣東下天光江海合西來秋色楚吳分帆檣亂簇中流樹樓閣圓包一寺雲閒與山僧談往事妙高臺畔立斜曛

棲霞道中遇雨

羣山忽走匿雲氣塗滿空急雨猶未至萬樹搖當風我行半行庵詩存彙

卷一

二

正絕巘策蹇迷所從前瞻得古剎斜下穿林叢枯僧訝客到勞苦殊恩恩迴顧所來徑倏墮烟靄中一罅漏天影日腳輝青紅下照見城郭萬瓦秋濛濛雷聲漸以遠鳥外明一虹出門問前路溼雲隨我東

燕子磯阻風

江風刮沙沙亂旋晝暗如夜飛溼烟長年特剪江渡一浪打人水半船迴帆直撲巉磯闕疾似霜天落蒼鶻又防沙皆猛一撞力向千篙萬篙竭同伴慰勞相告存我翻失笑傾一樽魚腹祇應葬騷骨豈受醒餒征夫魂須臾舶趠吹漸息重雲催暝半江黑蘆中窮士去何之醉蹋寒沙弄

秋色

宏濟寺

中山遺聖結禪薰
柳標隨身躡夕曛
疊嶺盤空危壓寺
怪松穿石倒懸雲
腹帆欹影當窗度
風隕吹香入座聞
不見將軍留大樹
翻因捨宅溯元勳

清涼山

炎氛吹不到林壑
悶幽香梵罷歇秋
雨客來沈夕陽風
榛蔽遙坂烟篠娟
崇岡還問棲禪衲
鐘魚何爾忙

元御史大夫福壽墓

紅塔光騰國勢孤
繡衣南甸握兵符
圍城守死完臣節
新

半行庵詩存彙

卷十

三

主褒忠葬敵俘史
闕羞聽危素履經
筵甘附比干圖鳳
臺門畔棲神地千
古青燐走碧蕪

有贈

滿舞容歌嬾入尋
小茶觀處爲沈吟
十年願祝司香尉
莫誤樊川到綠陰

秦淮贈張鴻基

風中玉蓬雨中鈴
十載江湖帶雨聽
今夜聯牀尋舊夢
涼蟾吹影滿秋屏

金迷紙醉意闌珊
賭酒紅橋水一灣
如此烟波如此客
捲簾羞見六朝山

報恩塔

皇覺寺羅永庵祖孫兩帝棲佛龕中開殺運三十載底事
建塔皇城南周公不輔成王子忠蓋禍延瓜蔓死窮飾土
木稱報恩安必諸天大歡喜當時誰實啟纂謀髡緇填籍
燕府游後來披雍有嚴禁得無漢王將效尤迄今明社久
成屋金碧九層猶在目危欄下俯舊陪京孝陵衰艸連天
綠

歸舟同程

集義作

槐黃忙甚事屢過石城灣游跡詩囊裏朋情酒榼間一驅
揚子渡雙展蔣侯山聊壯歸人色秋風覓舉還

半行庵詩存彙

卷一

四

家大人邀集同人遊西山夜宿法螺寺作

行客返里門三日息塵鞅登樓見家山煙霞結遙想鼓興
互招邀出郭信輕桡凌晨微雨過蒲稗夏清響繫纜就墟
烟振策踰樾壤孤暉隨徑深秀嶽入秋爽晴靄淡多陰涼
翠引迤徃晚餐款齋廚宵燈掩禪幌卻憶江上山蓬窗列
如仗危磯燕掠波浮玉螺貯益歸伴苦相迫荆蘿誰與上
及茲遂幽計用慰夙心快明發躡層雲整理芒鞋兩宿環山閣
秋巔滿巖壑涼風吹上樓挑燈驚雨急開戶帶泉流雲氣
侵衣冷烟情入夢幽曙光晴可喜檐際衆星收

覺海寺採桂

風吹青桂林嫋嫋山之趾妙香先迎人去寺向一里幽尋
披莽入濃陰撲地起濛濛秋翠中黃蕞落如綺止水澄寒
潭游禽呀遲晷坐久舒遐蹤談深引遙企寂然了聲聞拈
花究微旨

暮至花山寺上蓮峰頂

頽陽匿崑嶷鱗衆牝積陰翳倭遲篆路中榛篁互虧蔽坡轉
陡光明呀然露峰髻紺殿蟠其根啜莽從所憩指點青茵
苔亭亭立雲際怪松鬱垂蓋懸棧固盤蒂懾險笑羣懦踐
夕勵孤銳登頓薄天衢迴出人間世仰捫晝有星俯躡暝
半行庵詩存彙 卷一 五

自一綫天上天平山絕頂歷蓮花洞須彌嶺諸勝

吳山皆戴土延互無垠塢巨靈一掌下萬笏出新鑿梯空
豁家弄剗中孕禪閣春夷媚羣眺士女盛游屬孰知九秋
後蒨峭乃勝昨奇礪立積鐵壓焉巨峯落陰實潛穎悶陽
林壽藤絡坐使層厓上跼步不容拓後頂接前踵綫路入
寥廓俯窺無底雲齒戰及吾嚶央軋天貌隘慘曠日容薄
迴駕臥松寮惴惴夢猶噩

雨中作

渾渾波底天撼撼風裏木黑雲愁殺人三月壓吾屋河魚
戲新浪前夜跳上陸閭門殷軛區飢色忽到目沉彼墟里
間慘慘向誰告搔首盼晴陽城邊飛一鷺
城邊窪下區水深泥沒蹀編木浮作橋滑滑走車馬聞見
日數驚安堵亦已寡惡少夜禦人白挺破檐下彼豈樂此
爲念之淚盈把側耳哀鴻聲嗷嗷滿四野

四野夫如何水至蕩爲數浪頭一丈高漂沒大隄柳十室
僅有存多半向城走汨汨鳴漸中齧鯁對雞狗畫船爾何
人看水到村口坐賞天上雨滿引杯中酒

寄顏三 元禮 楚幕

半行庵詩存彙 卷一

六

墜葉滿庭際秋懷江上生一傾吳市酒三載武昌城慷慨
登樓賦艱難負米情何堪彭蠡雁天末起悲聲
客至話荊州愁霖歷夏秋江風衝岸裂潮水入城流人氣
千艘散炊煙萬竈收參謀蓮幕底隄障急綢繆

又道湘江畔荏苒偶盜兵箐林朝伏弩荻炬夜窺城土瘠
人多悍年饑命愈輕妖氛容易埽辛苦念民生

故鄉原澤國亦復雨沈沈晴日不照地溼烟常滿林薦饑
田父淚閉糴富商心安得豐年樂江湖寄好音

悲廩民

癸巳冬吾郡大水既荒且疫道殣相望 家大人

憫之倡捐設廠東虹橋側衣之粥之越明年三月
乃止凡活千餘人嗚呼天災流行雖曰代有亦人
自取也聽觀所及輒形於詩

吾蘇佳麗地百族充市廛攘攘游食徒競聚如附羶不農
亦不末積懶成自然捋蒲畫爲業暮夜酣洋烟儕輩互徵
逐骨肉皆棄捐樂歲不自保遇歉斯倒懸活之亦無用可
念仍可憐終以在墊溺忍心難舍旃困極或生悟冀其懲
前愆羸病飲之藥凍皴披以棉恩怨兩不任要在全其天
明春土脈動去去畋爾田

東廠居羣男西廠貯婦女開廠衆爭集三三五五按口

半行庵詩存彙

卷一

七

給之粥自朝喧至午或云義振法宜散不宜聚恐有姦究
生小恩難用撫豈知不軌徒養之如養虎飢或相吞屠飽
乃戢其武伊昔列肆間非理橫攫取捨生謀一飽雖悍亦
良苦閉置斯廠中庶幾得其所考民既得所良民斯安堵
還須慎殘年守望相爾汝

戚戚重戚戚有婦登厥門簞豆若弗屑涕泗朝復昏詎之
不肯道鄰媼爲前陳云是富家婦豈習苦與辛前此三四
年窈窕如天人雙鬟左右侍暝怒皆生春在福不知惜飄
若風送座四體既嬌憤焉能支驟貧殘喘亦何戀不幸身
尙存躑躅風雪中告哀誰肯仁聞言我三嘆榮悴良有因

憫彼機上女寒餓纏其身

愁霖恣凋瘵惟農實受之三時筋力盡收穫乃若斯輸納
罄其室追比還遭管振城不振野何以補創痍農民罹其
困情民蒙其施竊恐吠畝間游惰日以滋區區設廠心耿
耿良在茲願奢力弗繼坐臥成歎咨從容徧撫恤是在良
有司巨室競捐助胥吏皆仁慈分彼飽者飽惠此飢者飢
罄罄千萬戶需被庶無遺

送友人之藩陽

歲晏不得息嗟君茲北征河冰朝渡馬邊雪夜投城親老
求名急家貧作客輕三年堅有約捧檄佇相迎

半行庵詩存彙

卷一

八

洋洋海水篇爲沈孝子仁業作

洋洋今海水迢迢今南荒阻華夷今相望望不見今崩中
腸兒不知世路之崎嶇今兒知父母今不可忘解一兒生交
趾行年七歲從父歸故里羣兒聚嬉兒獨無母以恃對父
愉其顏背父淚下流泚泚念我母天涯海角不得覲止解
望我母今海湄告我父今願迎母歸父曰海疆屹嶠千戈
蠶起汝其勿往往且莫知生死對父哽不言背父淚下流
泚泚念我母飢奔兵竄不得覲止解三驚風夜來喬木且摧
孤雛睢瞿瞿霜雪紛以皚羣兒聚嬉兒獨癡癡孤子陟岵
哽不言陟岵淚下流泚泚念我父母生離死別不得覲止

解四天梯猶可攀弱水猶可航涕泗誓父墓迎母歸吳閶母歸兒亦歸母亡兒亦亡親戚走相送哭聲繞河梁切切相

勸止意決無傍徨五解洋洋兮海水迢迢兮南荒舟兮車兮

趨我母旁故巢兮破裂戈矛兮森列繼觸鬪兮未滅兒不

見母兮椎心飲血兒惟母是求兮匍匐虎穴遇我母於僻

道兮慘上下神祇而共絕六解洋洋兮海水迢迢兮南荒舟

兮車兮歸我母兮吳閶骨肉同堂大歡喜兒心耿耿悲未

已對母愉其顏背母淚下流泚泚念我父地下黃泉不得

觀止七解吁嗟平海可以枯石可腐此生缺陷何時補天高

高照下土孝子心萬萬古八解

半行庵詩存彙 卷一 九

西磧山展祖墓

疊疊狐兔宮荒荒樵牧火裔孫來已遲彌望愁雲鎖松柏

摧爲薪蕪雜藝花果久愴拜奠疎相傳葬時誤於地師之言展謁者輒不吉以故

百餘年不墓祭肝表日傾彫舊封幸未夷三尺掩蓬顆孰知此中

人綿延實生我春源溯流長秋根悲葉墮衰祚支僅存陰

相澤猶荷歲展番祭誠先靈庶永安

雨夜渡上嵎至礪上草堂宿翌日游石壁萬峰臺珍

珠塢諸勝雜成六絕句

齧岸濤聲激石稜箭涇西去夜光激一星飛出叢蘆隙知

是漁燈是鬼燈

剝啄聲從定裏聞齋廚分飲入微醺今宵暫拔塵中腳借箇蒲團臥白雲

跨路泉紳瀉一條老禪門外晝蕭寥苔花寸厚無人跡豆

大蝦蟆壓亂跳

銅坑銅井路盤盤萬綠陰濃五月寒靜裏一聲梅子墮野

風吹雨帶餘酸

蓋頭圓笠受風偏雨氣隨人入半天頰首下方應笑倒阿

誰癡立萬峰顛

梅花香夢十年曾此日登臨溼翠凝盧橘滿筐風滿衲亂

雲堆裏見歸僧

半行庵詩存彙 卷一 十

西湖

載得詩情至晴漪撥棹輕春聲放雨歇秋抱慳山迎花氣

香諸寺湖光溼半城底須爭勝踐孤賞到鷗盟

靈隱寺

晴旭漾空翠和煙侵客衣泉聲漱石冷峰勢入雲飛伎佛

香成市探花妓合圍山靈應厭此一雨鎖巖扉

雲棲

曳杖經西塢盤岡入幾層雲封千頃竹禪定一堂僧虎穴

驅偃淨龍泉貯液澄蓮池開法界別派衍傳燈

理安寺

螺旋入巖腹滂然竹徑幽冷淅清聽諸磴雨初收禪味
淡於水客衣涼欲秋高攀符夢閣彌望綠雲流

西興渡

落日廣陵路孤帆蒼莽間白翻吞岸浪青截過江山暮角
催人發眠鷗媿爾問前途多美酒須破客囊慳

大滌山

夜夢墮巖綠曉隨雲共升靈龕春擣藥古洞晝然燈舊跡
金仙印飛塵玉殿凝九關深鎖處倚杖劇峻嶒

洞霄宮

鄧公棲息處洞府抗遙氛匡翠定中落林香空外聞斷梁
半行庵詩存藁

卷一

十一

明古雪飛瀑濺晴雲願駐方壺景歸途眷夕曛

禹航獅山

沿郭二三里徑山分此支名僧風穴寺古祀石郎祠出樹
標孤塔環溪障一陂南朝留輦路想像翠華馳

秋園雜詠

修梧百尺強垂蔭覆蘿徑脫葉驚早秋立幹抱孤勁材非
不中伐在曠適真性彼哉賞音人爨下收餘燼何如天籟
鳴涼吹聚虛聽

霜降衆芳歇疾颺吹未休籬菊有佳色孑然挺窮秋豈伊
天地私植根良不侔土荒萎未盡時至榮自拙候蟲爾何

感懷

送吳山秀入蜀

投老去爲賈艱難成此行一帆風雪裏渺渺數江程臘酒
棲盈浦春燈入錦城莫嫌羈旅苦隨路好山迎

六泉叔命題鍾進士出獵圖

深林月黑風亂旋有怪非怪仙非仙謠謠出出紛來前兩
鬼趨捷昇一簣兩鬼劍笠肩上肩鬼雖蚩蚩奔在先鬼妾
從之慘不媢彼小而瘠立左偏或竿或獲時乃羶是何老
魅居中權中山進士大且鬚排衙結隊山之巔張皇一第
誰爾賢方今午運當中天鬼物之神何有焉我惜膺腹徒
半行庵詩存藁

卷一

十二

便便爲此魃蜮流饑涎區區么磨何足憐畏爾媚爾執爾
鞭肯爾竄竊肆厥姦爾果翦崇靖下泉終南捷徑猶赧然
況復四走驅妖烟猖狂羣孽同游敗我今檄爾詩一篇爾
其遁跡毋流連

除夕飲吳山秀齋示令子金聲

香消文鼎柏留燼冰裂瓦盆梅作花入室依然共杯酒有
人風雪正天涯

寄武林諸子

吳淞歸興愛鱸肥靜掩東風雨版扉南浦新愁春水闊西
冷舊夢柳花飛青門客散霜侵鬢紅豆歌殘淚點衣惆悵

魚書傳到處湖烟漠漠雨霏霏

虎邱絕句

一垂楊畔一紅樓樓上風簾盡上鉤大好吳儂游冶地祇憐花事不禁秋

聞笛桓伊喚奈何古桐橋畔綺情多年年耐得春人夢幾度銷金入此鍋

村田樂府擬范石湖體二首

浸稻種

清溪一曲水紋繞穀雨家家初浸稻不蠹不腐新穀香若者宜遲若者早東家昨日挑河泥澆遍稻田田易肥今朝

半行庵詩存藁

卷一

十三

陌頭撒穀種零星不管密與稀十日五日種出土十科五科仔細數插秧只待秧鼓敲傲倖農家生計饒西鄰老翁淚如涌生男無力墾田隴去年典穀贖冬衣今日典衣贖稻種

演春臺

前村佛會歇還未後村又唱春臺戲斂錢里正先訂期邀得梨園自城至紅男綠女雜沓來萬頭攢動環當臺臺上伶人妙歌舞臺下歡聲潮壓浦脚底不知誰氏田菜蹋作齋禾作土梨園唱罷斜陽天婦稚歸語村莊前今年此樂勝去年里正夜半來索錢東家五百西家千明朝竈突寒

無煙

西津晚興

上冢船歸暮色微斜陽欲落故依依半筐風簾田夫麥一桁晴收浣女衣魏甌梨花春釀熟盤登豆筴野筵肥輕橈幾曲楓橋畔近水人家月滿扉

夜宿唯亭

野屋婁江夜寒榮照獨眠蛤潮涼吹月螢火溼流烟爽氣澄風曠晴光漾水田麥秋天作冷愁到客衾邊

題程三沂梅室

蕭然一榻擁蟬編爲伴梅花愛獨眠病趣幾隨禪共定朋半行庵詩存藁

卷一

古

交多借酒爲緣屈醒陶醉吟分格焦卓張顛飲入仙門外紅塵飛十丈風吹曾未到君邊

訪劉彥冲

市隱謝塵事端居心悄然霜花鋪几厚風葉走階圓薄飲微詩味雕談入畫禪歲闌多俗擾羨爾掩關眠

懷張大鴻基

張也真吾友奇懷鬱未開狂招多口忌貧鍊一身才咳唾皆詩卷淋漓有酒杯相思不相見愁絕隴頭梅

元夕戒幢寺玩月圖集

道芬屬題

燈市趁妍晴坊曲競爭麗誰知塵熱區月東霜滿地吟儕

避游氛禪窟恣幽憩循除水一泓湛若鏡無翳冰開影倒
涵虛明勝仰睇夜氣澄化烟搖光上林際驚曙誤棲鴉噉
空聲遠曳促歸更告闌畱玩戶遲閉此時嬉春人醉枕夢
成嘆

偕程集義積善西院探宋梅

東風漾晴旭暖入孤剎內花氣蒸作雲曉暖呈萬態游蜂
導客至春聲喧一隊款關悵前事裙展盛高會勝流散若
星芥壁句猶在此樹七百年獨超塵劫外貞心蘊古香殘
幹駁新黛不知自我先酌酒會幾輩姑畱今日題竹發後
人慨驗罷林晷移初景渺難再

半行庵詩存彙

卷一

五

家大人暨六泉叔邀同印丈康祚葉丈廷珩程丈庭
暨往游陽山大石歸命作詩即步程丈原韻

探奇饒勝緣游侶羣輻湊整理雙不借入險鋌而走峭崿
秦餘杭箭闕兩崖闢大石良其背卓立虬骨瘦孤撐出天
半直上比懸溜禪龕綴木末鍾乳滴巖竇靈蕤孕暖香霏
微入精艱是時春欲暮萬綠堆衆皴排闥駭枯僧避人窺
飢狄雲氣晴互天陰寒撲襟袖屋後勢倒崩罅裂土花繡
磴道不受趾人跡所罕邁九泉自穴出謀耳暗中漱上有
古石梁如屋初架廂仰睇股先慄高陟矧敢又懷古摩蒼
崖剜苔索前鏤勝國諸鉅公健筆凌世宙山靈藉表章刻

劃到荒陬詎知三百載漫漶失句讀迴首跡已陳繼起誰
其副吾儕頗嘖名或共古人壽紀詞疥絕壁永乞神鬼佑
路轉訪水簾數里穿雲透前導仗稚子趨捷若騰駒奔瀑
落峰掌歎飲循理膝下注陳小槽爰帖出天構積影搖夕
光明滅嵐彩收於焉慕幽棲僧廬倘許僦老湫窺螭龍蒼
嶺叩靈鷲會當躡仙蹤次第擷其秀藉日婚嫁畢新盟動
成舊戀戀下層坂林缺星光漏

悼來兒

東野無端哭杏殤子身後顧意茫茫何堪病婦來相慰搔
首風前鬢未霜

半行庵詩存彙

卷一

六

尺許香綳裏錦綾撫摩忍遽掩荒陞昨宵猶引重闌笑含
著芳飴弄一燈

呱泣猶思墮地時全家喜氣溢雙眉初心自笑癡何甚早
把門才望到伊

為葉丈廷珩題詩壇點將錄

人才蔚起乾嘉會盟主東南運不孤賭聚風雲開筆陣指
揮壇坫下軍符黨分東嶽翻新案派衍西江列舊圖迴首
詞場成一喁羣英無復滿江湖

食蟹五十韻用韓孟聯句體

水錯性素耽廚珍秋愈妙醫學士蘇饒寄吏部畢傲左手

供我持中腸嗤爾躁俊品微食經飽噉拾吟料種以蜉蝣
分名以鯁鯁號爬沙行儼儼乘潮隨膈挑插斷水障籬開
蕩風鳴斐漁父秋放艇滂戶夜移權擅兜支木橫扈業懸
燈照奔明綠厓厓負固蹲窳窳若網前後牽如若左右芼
諸撐羊觸藩潑刺魚在罩搜亡靜屏氣得雋欣失笑鯨鯢
楚戮俘荏苒鄭擒盜腥市販夫集馳道走僱召手縛菱紐
出肩負竹竿到沫噴珠作胎拚張劍拔鞘脇駢公子曾晴
突勇夫貌選材指八跪論價爭兩造團尖月分令輕重權
執要入囊輿莫逃裏萬猶驚爲我口腹累引渠湯火蹈
汲井溉大甕斫薪燃冷竈烹異兔去尻蒸類蜋鳴窸么磨
半行庵詩存彙 卷一 七

聚族殲巨魁拔尤報匡益稍芒輪香升蘇荏導膳夫涎垂
流餐朋心結嫪堆盤血濡袍解甲麵發醇味腥乞醢投性
寒肩蓋瘵足折輿說輟背揭風吹帽賴黃桂塞輪瑩白雪
裝窖千析咀其華兩擘破厥臍臍髮根莠艾整髮艾納繚
夾棠餘肪凝堆柴積骸掃壁蝶黏樹蓮房蠟劫皺飽大嚼
咽酖童遲齧憐豁耄礦面絺巾陳盟手茗槍漂兼味肉失
旨餘甘粥嫌糙實菊小鈴絳削橙輒杯酌戰拇舞微飲醉
纈視眊眊春犯鮮入供夏醬肥充唯得之勝入珍合之成
三樂醉或松醪醲甜或蔗糖膠背或粉羹糜蜆或鹽豉糟
或潑以膏油紅醬煮廚熬或封以蠟糟碧醞膏堂窰幸得

異味嘗請爲同嗜告勿謂水族繁歲歉恆逢潦勿謂介蟲
集兵兆輒多暴樂此居江鄉尊前佐歌嘯

送顏元禮之贛榆

昨看江上花今折門前柳豈不戀鄉土衣食驅之走施婦
不自妍俯仰隨衆醜四馳塵盛間無端廿年久天風振枯
木寒威逼疎牖置酒臨廣除慙歉別親友酒盡出里門殘
陽在河阜

河阜望行人杳杳暮烟裏暮烟四野合行人去不止目窮
帆影遙長路遂千里暝風吹酒醒返步猶迴企河流浩無
涯明月漾其止我心不如月隨君戒行李一更照君宿五
半行庵詩存彙 卷一 八

更照君起

張鴻基自閩中歸枉顧贈詩

三載不相見忽聞江上回帆隨春信至戶逐笑顏開坐携
塵雙展談傾海一杯莫嫌青鬢改豪飲氣如雷

和張源達詠燕

海燕歸來亦斷魂雕梁掃盡故巢痕人間祇重金環報莫
恃當年舊主恩

烏衣門巷古銅鋪和雨和煙掩夕燕辛苦銜泥成一笑要
營香壘育春雛

楊花如雪撲烟沙易主樓臺掠影過何似秋風遶海上棲

身自帶小行窩

同程丈庭覽游青黛湖

春游罷羣園花事歇芳浦靜侶多遠懷人外曳柔櫓搖兀
菰蔣中枝港半迷阻豁然匳鑑開澄帖黛痕古瀕湖萬楊
柳濃陰日無午其下列魚田蘆界清可數村曠畫冥濛團
煙綠一塢風歌聞榜人水飯見漁女歸路明夕陽殘紅耀
林羽

爲葉丈庭瑄題故友印康鼎風雨聯吟圖

章逢聲不揚瞑目永沈晦豪素跡僅留縣世能幾代惟恃
承託人名山業同愛庶或五百年軼聞挂人喙印九古猥
半行庵詩存彙卷一

九

者逸情邁流輩感彼雞鳴聲呼朋互酬對吟社倏淪亡手
澤半茫昧幸有平生親收羅到殘續恍此尺幅間音彩展
猶在從可賦大招樽酒重沃醑故物恐遂溷後死責難貸
他日終付誰思之心孔悔

有懷

端居結離緒惻惻悲秋蓬展步出西郭登高來北風經生
伏不鬪酒客王無功天末數知已沈寥聞斷鴻

出胥口至東山翠峰寺循吟風岡上莫釐峰頂

若霄滙上流赴壑奔向東羣山東不住碎立洪濤中瀕海
不百里淩瀟皆要衝習流者誰子胥師出沒工夫椒肯轉

戰餘腥收厥功及今募水勇一旅殊足雄棄之近盜藪後
時恐伏戎我來屆殘臘山寺寒濛濛回眺松栝外湖氣搖
晴空浪頭大如屋漁蠻方駕風

塵事芥吾曾歲除益輾轉置身山水鄉快若蛾脫繭入雲
復出雲盤折上晴巘遙闌三萬頃全湖落長眊海防設重
鎮三州此關鍵有明逮倭患江浙蹂踐豕蛇厲牙齒於
此會一翦承平今既久杞憂難用遣何處幸邑人黃髻共
縋縈世上有兵戈山中自雞犬

洞庭東山謁明路文貞公振飛墓

妖氛纏北極逆黨煽南都竭力支淮甸餘生盡海隅香飛
半行庵詩存彙卷一

二十

梅嶺潔霜染桂林枯共抱厓山痛風枝泣夜烏

辛丑正月感事

登壇授鉞壯南征不信和戎早定盟海上鯨鯢猶跋浪帳
前戈甲自銷兵羌酋睡手成三窟壯士彎弓望四明獨有
籌邊樓上客偏教萬里壞長城

流民謠

江北荒江南擾流民來居民惱前者擔後者提老者哭少
者啼爺娘兄弟子女妻填街塞巷號寒飢飢腸輾轆鳴鳴
急無停聲昨日丹陽路今日金閶城城中煌煌憲諭出禁
止流民不許入

雨中過木瀆

撐笠投墟落瀕湖積潦平
施屐隄作障開洫水爭鳴
客興藉風色農心碎雨聲
何堪桑隴畔戴勝正催耕

林師則徐遺戍西口道出吾蘇走送呈詩

荷戈急嚴譴王程難久羈
祭軫爭遠送私悃難睽
離請公暫停駕聽我陳此
詩公昔撫吳日甄孕靡或
遺賓館羅俊彥採及樗散
姿階前盈尺地許我揚雙
眉見公勤坐理萬彙臻繁
禧實心非異政優入民肝
脾是時歲屢歉舉目多創
痕開誠乳赤子悉隱籲
彤輝坐我在與席起我湯
與飢至今諸父老述之猶
涕洟昨日聞公至渾舍爭
來窺挽

半行庵詩存彙

卷一

主

船塞河止攀轅擁路歧
遮留三晝夜罔顧官限遲
喜公春滿面惜公霜滿髭
謂公鎮南服上契天心知
島烟流大毒一炬良所宜
何爲罍吏議褫職投邊陲
顧蒙昧無識未免生然疑
我欲告以故亦復拙言辭
惟云君子過日月有盈虧
圓魄施夜彩蝦蟇朵其頤
麒麟地上關曜靈有食之
仰觀得其象四海皆嗟咨
安用戍車側衆口憤所私
獨此別時景難爲去後思
愁使岸旁柳攀折無遺枝
幸勿中夜發輕裝潛遠移
迢迢天山路漠漠青海湄
我知萬家夢今夕先公馳
而況門下士贈別將何持
賜環定有日負笈詎無時
行矣貞所德昌辰以爲期

秋懷

繁霜集遙野秋聲吹滿
隘萬象應商律颯爾風
生棧在曠營旣息有觸
心彌矜浮脆歇餘媚貞
抱留遠徵榮蕊各隨化
凡傑紛待興安容百年
內肩擔靡所承窮牖閱
時邁華髮催人增奄垂
半生去沒世悲無聊

雜歌九章

北風吹決黃河口汴梁
城外蕩如敷又驚閩浙
軍書來厦門甬江兩不
守是時吾蘇樂有餘彼
憂天者人謂愚八月同
慶聖壽節笙歌夜喧街
衢

實我倉穀城我城倡議
乃有鄉先生又聞大吏
議防堵六

半行庵詩存彙

卷一

主

門設兵三百名錢江郵
報寇氛遠三日聚謀謀
漸緩天邊星使紛南馳
火速辦差置行館有客
有客議團練肝膽照人
人不見或言避城或避
山皇逕欲棄鄉縣壯夫
有血吹不涼酌酒誰與
歌同裳三更起拔長劍
舞雄雞喔喔天雨霜
野雉飛匿草田裏知畏
其首不畏尾陡然驚起
復遠颺終入庖人湯鑊
底出門滿地皆緇羅白
奪如爾椎埋何秋霖未
集已先徙有智不如螳
在柯朝見兵船海上去
浙東議戰要防禦暮見
兵船海上來粵東議和
仍撤回兵船來往日如
織官符捉船船戶匿商旅